

Wien, Österreichische Nationalbibliothek (ÖNB), Cod. 974

Michael Denis: Codices Manuscripti Bibliothecae Palatinae Vindobonensis Latini Aliarumque Occidentis Linguarum. Vol. II. Pars I. Wien 1799.

781

P A T R I S T I C I .

782

CCCLVI.

R. 3042 Codex membraneus lat. Sec. XV. Folior. 168. f. per duas columnas commode scriptus, rubricis distinctus, et prius Monasterij S. Dorothee virginis et martiris Wienne canonicorum regularium, hoc Rubrum praefert: *Liber aurelij Augustini de Cognitione vere vite per modum dialogi.* Et quidem hic inter Augustinum et Fratres; alias vero inter Magistrum et Discipulos; rectius sane, nam Honorii Augustodun. Libellus est, ut bene docent Mauriani T. VI. Opp. August. in Monito praevio Append. col. 168. Init: *Sapientia Dei que os mutum aperuit &c.*

Fol. 11. succedunt: *Sermones beati Bernhardi super librum qui per excellentiam dicitur Cantica canticorum.* Hi Sermones, quorum initium: *Vobis fratres alia quam alijs de seculo &c.* saepius jam a nobis indicati hoc Exemplo LXXXII. sunt, ita ut ex editis T. IV. Opp. omn. Maur. col. 1267. deficiant quatuor, videlicet 70. 84. 85. 86. Textus satis castigatus.

CCCLVII.

U. 276 Codex membraneus lat. Sec. XII. Folior. 151. f. charactere luculento a variis, partim per duas columnas, partim lineis longis exaratus, rubricis distinctus, et quondam Job. Fabri Ep. Vindob. varia complectitur, quae ordine recensebimus. I. quidem *Incipit liber exhortationis. Beati augustini.*

ad quendam amicum karissimum si- bi. Ita videlicet: O mi frater. si cupias scire quamvis ego nesciam &c. *De salutaribus Documentis ad quendam Comitem inscriptum restituerunt Mauriani Augustini Editores T. VI. Append. col. 193.* Paulino Ep. Forojul. Sec. VIII. Scriptori, et vacillasse Librarium nostrum Rubrica, quam deditus, partim extrita et relecta indicat. Abrupit ille mox Opusculum in verbis: nisi fiat in amore eius uoluntas nostra. Immo nec hoc — —. Sed fol. 59. ad illud reversus usque ad fol. 81. integrum dedit, in cuius Rubrica nomen Augustini iterum a secunda manu rescriptum quivis observat. Seculo igitur XII. Exemplaria Paulinum, aut quemvis alium ab Augustino praeferentia non defuisse videntur.

II. fol. 2. *Incipit epistola Hincmari. Remensis archiepiscopi. ad Karolum Regem. Domino Karulo Regi Gloriosissimo hincmarus nomine.* Non Merito Remorum episcopus ac plebis dei famulus. mitto uobis sicut iussitis epistolam beati gregorii ad regaredum regem wisigothorum &c. Retuli jam Vol. I. P. 2. col. 2292. bina Tractatus hujus epistolaris de cavendis Vitiis et Virtutibus exercendis Exempla ad Carolum Calvum. In praesenti Codice non nisi Gregorii Epistola, et Peroratio: *Hec Rex Clarissime atque carissime accepta opportunitate &c.* minio distinguuntur, reliqua indivisa decurrent, neque notabiliter differunt ab Edit. Jac. Sirmondi Opp. Hincmari T. Post. Paris. 1645. p. 29. f.

Wien, Österreichische Nationalbibliothek (ÖNB), Cod. 974

Michael Denis: Codices Manuscripti Bibliothecae Palatinae Vindobonensis Latini Aliarumque Occidentis Linguarum. Vol. II. Pars I. Wien 1799.

783

C O D I C E S

784

f. Sequi nunc **Paulini** Exhortationem jam supra monui.

III. fol. 81. p. 2. Συλλογη πιαρυμ Precum praecipue ad patientem Servatorem, quarum postremae: **Domine Iesu Christe deus omnipotens, qui hanc congregacionem ad glorificandum nomen tuum sanctum in hoc loco adunari permisisti, da nobis famulis tuis adiutorium tuum sanctum de celis, ne paciamur detrimentum animarum nostrarum, et ne des hanc congregationem in dispersionem propter nomen tuum; sed qui post baptismi sacramentum secundam abolitionem peccatorum elemosinis indidisti, respice propicius fideles tuos, de quorum operibus tibi gratiae referuntur. Fac eos premio beatos, quos fecisti pietate deuotos. Recipiant pro paruis magna, pro terrenis celestia, pro temporalibus sempiternas.** Ita sensatae sunt etiam praecedentes, et religiosae cuidam Familiae inservivisse videntur.

IV. fol. 82. *Incipiunt Sermones Magistri Petri Longobardi.* Prope accedit nitide scripta haec Collectio ad Autoris, qui Episcopus Paris. et vitae annum 1160. ultimum habuit, tempora. Primum ejus inde crescit, quod eorum, qui de Viro hoc celebri tractavere, neminem reperio, a quo Sermones scripsisse memoretur, praeter **Henricum Gandav. a. 1293.** mortuum, qui c. 31. de Scriptt. Eccl. testatur: *Inveniuntur etiam sermones aliqui de diversis solennitatibus ab ipso scripti.* Et eccos. Numero sunt XXVI. et quidem III. primi in *Aduentu domini.* IV.

in Circumcisione. V. in Epiphania. VI. in Purificatione S. Mariæ. VII. in Septuagesima. IV. sequentes tempore Quadragesimae. XII. in Palmis. XIII. in Annuntiatione S. Mariæ. XIV. in cena Domini. XV. in receptione Penitentium; eadem nempe, ut ex ipso Sermone liquet, die. Sequentes VIII. de Passione et Morte Christi. XXIV. de nomine Christiani. XXV. in media XL^{ma}. Demum XXVI. ad uincula sancti Petri, alia sed aequa vetusta manu adjunctus. Sermones paene omnes a Textu biblico ducuntur, et I. quidem ab illo Dan. c. 7. v. 13. *Aspiciebam ego in uisione noctis &c.* in hunc modum: Celestibus danibel flagrans desideriis. unde ab angelo eius intelligentię ministro uir desideriorum uocari meruit. accepto diuinitus intellectu per angelum. effudit super se animam. ut in admirabilis pertransiret secretum contemplationis. et inuestigabiles diuitias sacramenti absconditi a seculis in deo perciperet. hoc est misterii incarnationis uerbi. quod erat in principio apud patrem. de quo iheremias ait. nouum faciet dominus super terram. mulier circumdabit uirum gremio ute ri sui. hec est uirgo sacra que operante spiritu sancto sine uiri accessu filium patri omouision. i. con substantialem. de sua substantia concepit et peperit. ut qui erat in diuinitate dei filius. fieret in humilitate hominis filius. non duo filii. sed unus homo christus ihesus. quod est inauditum et ineffabile. Reete igitur uir desideriorum ait non simpliciter filius hominis. sed quasi filius

Wien, Österreichische Nationalbibliothek (ÖNB), Cod. 974

Michael Denis: Codices Manuscripti Bibliothecae Palatinae Vindobonensis Latini Aliarumque Occidentis Linguarum. Vol. II. Pars I. Wien 1799.

785

P A T R I S T I C I

786

lius hominis. quia non tantum hominis sed et filius dei est. Seruata namque utriusque naturae ueritate et proprietate lumini deitatis accessit testa humanæ infirmitatis. ut esset lumen in testa. uerbum in carne. deus in homine. Hic est lapillus ille parvus de monte sine manibus præcisus &c. Magistrum Sententiarum audis in sacris Literis versatissimum; sed non minus mores his Sermonibus format et affectu pollet. Itaque mihi non tempero, quin Serm. XXII. ingressum adscribam. Egenus sum ego et pauper domine. et claudus ex utero matris meæ. et ecce sedeo ad portam templi tui que dicitur speciosa non ualens nec uolens introire. quin potius egestate bonorum tuorum mendicans foris alimoniam carnis meæ aereas et falsas imagines hominum. ut coaceruem mibi talentum iniquitatis. fasciculos deprimentes. et ecce hora nona est. Ascendit petrus et iohannes apostoli tui. ut orent ad templum sanguinum tuum. Ego autem bæro terre et luto terrena et vana sapiens. et aliis introeuntibus ego foris remaneo cum aliis non querens ea que patris mei sunt. sed que primi parentes mei. qui me hic foras cotidie pomunt. male concupierunt. Et certe hora iam orationis nona est. inclinata est dies. prope est nox. cum surrexero mane diluculo de his que nunc mendico nihil in manibus meis reperiam. Hora orationis nona est. Oraisti enim hora nona pendens in cruce. Oraisti inclinato capite. clamans uoce magna expirasti. Oraisti inclinato capite in spiritu

Denis Codd. Theol. V. II. P. I.

bumilitatis. clamans uoce magna. secretissimo affectu paternæ et nostræ caritatis. et in illo domine clamore ualido expirasti. et eundem quem de nobis tunc habebas compassionis animum tecum asportasti. et credo domine quod adhuc tecum reservas. quia caritas tua refrigerescere nescit. &c. Egregium Παθός et nihil infra Bernhardum συγχρονον! Sermo postremus incipit: Sollemnem obseruantiam huius festiue diei a ritibus gentilium superstitionum in religionem commutatam suscepit ecclesia dei &c. et totus historicus est narrationem ab Augusti victoria Aëliaca, menseque Sextili deinceps Augusto dicto usque ad Petri Catenas Hierosolymae ab Iudeo quodam Eudoxiae Aug. oblatas, Romam perlatas, et inde institutum festum diem texens, mentione quidem Romanarum etiam Catenarum, sed nullius inter utrasque coalitionis facta. Ut dicam, quod sentio, Sermo hic cum ob aliam, qua exaratus est, manum, tum praecipue ob methodi, stilique diversitatem ad Petrum Lomb. pertinere non videtur, luce tamen nihilo ceteris minus dignus.

Codicem olim Monasterii Mellicensis in Austria infer. fuisse suadet pag. ult. Epistola Abb. Iohannis, qui fuit hoc nomine II. et totius conventus significans foederatis Coenobiis O. S. Ben. et Collegiis Canonicorum Reg. obitum Monachorum Petri de Stain, Wolfgangi dicti Grill, et Ludovici pariter II. Abbatis, cui apud Anselm. Schramb P. IV. Chron.

D d d

Mel-

Wien, Österreichische Nationalbibliothek (ÖNB), Cod. 974

Michael Denis: Codices Manuscripti Bibliothecae Palatinae Vindobonensis Latini Aliarumque Occidentis Linguarum. Vol. II. Pars I. Wien 1799.

787

C O D I C E S

788

Mellic. p. 294. lapis sepulcralis diem mortis adsignat festum Mat-thaei Apost. Epistola vero nostra XI. Kal. Septembr. lapsu Scribae pro Octobr. Data est in Festo Sancti Archangeli Michaelis Anno Domini MCCCCX.

CCCLVIII.

R. 19 Codex chartaceus lat. Sec. XV.
Folior. 106. f. per 2. columnas
sat bene scriptus, et rubricis dis-
tinguitus, olim Congregationis, ut
praenotatur, *Sanctae Justinae de-
putatus monasteria Sancti Seueri-*

*ni neapoli, et assignatus ibi fore-
sterie, five Parti Aedium, qua
Hospites recipiebantur, comple-
titur: I. Sermones LVI. ex iis,
quos Impostores quidam, et deinceps ignorantes Homines ad Fra-
tres in Eremo inscriptos Augusti-
no tribuerunt, Mauriani vero in
Append. T. VI. col. 305. rejec-
tunt, quorum lege sis Admonitionem
praeviam. Rubrica Serm. I.
est: *Sermo sancti Augustini episco-
pi de uita Solitaria heremita et
Contemplativa. En Seriem Codicis
cum Editis collatum:**

Codex.	Editio.	Cod.
1.	39.	21.
2.	40.	22.
3.	34.	23.
4.	36.	24.
5.	—	25.
6.	—	26.
7.	—	27.
8.	37.	28.
9.	41.	29.
10.	42.	30.
II.	38.	31.
12.	31.	32.
13.	30.	33.
14.	27.	34.
15.	55.	35.
16.	48.	36.
17.	—	37.
18.	—	38.
19.	—	39.
20.	35.	40.

Vides VIII. Sermones e nostris
in Editione desiderari, et quidem
sequentes: Fol. 10. *De moribus
clericorum et eorum vita. Init: No-*

Edit.	Cod.	Edit.
2.	41.	26.
24.	42.	44.
25.	43.	14.
—	44.	15.
10.	45.	16.
29.	46.	17.
32.	47.	18.
33.	48.	21.
22.	49.	—
3.	50.	23.
4.	51.	19.
6.	52.	20.
7.	53.	28.
8.	54.	46.
9.	55.	47.
II.	56.	22.
12.	—	—
13.	—	—
43.	—	—
5.	—	—

lite putare Fratres, quod alienum vobis sumpserim exordium &c. Varia de Horis psallendi et Confessionibus audiendis. M. Magdalena